



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1100. Usque Ad Annum 1143

**Fleury, Claude**

**August. Vind. [u.a.], 1762**

**VD18 90117999**

§. 3. Legatio ad Imperatorem adornatur.

---

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Sæcul. XII.

A.C. 1119.

Sup. lib.

LVIII. §.

53. l. LIX.

§. 5.

Porro Hæretici, in hoc Concilio damnati, erant Sectatores Petri de Bruis & Henrici ejus discipuli, de quibus infra sermo recurret, Manichæorum peste infecti, quemadmodum & illi, qui annis abhinc centum in ipsa civitate Tolosana, Aureliani, & Attrebatii, deprehensi fuerant, ex Italia advenæ. Recentiores isti eandem in rei summa Doctrinam, paucis mutatis, tenebant.

## §. III.

*Legatio ad Imperatorem adornatur.*

*Comm. He-* **U**t viam redituræ paci sternerent, quæ  
*son. to. 10.* in Concilio Remensi inter Ecclesiam  
*Conc. p. 872.* & Imperium reducenda erat, Guilielmus  
de Campellis, Episcopus Catalaunensis  
& Pontius Abbas Cluniacensis Argentoratum ad Imperatorem perrexerunt; cui percontanti & consilium expetenti, quibus conditionibus pacis fœdera recipere, salva auctoritate suprema, posset? respondit Episcopus: *Domine, si pacem sinceram, & perpetuam vis, Investituræ Episcoporum & Abbatum simpliciter renunciandum tibi est. Ne vero credas, ita tibi aliquid de Regia potestate detractum iri; ego enim in Regno Franciæ ad Episcopatum electus nec ante nec post consecrationem quidquam de manu Regis accepi; nihilominus si spectentur tributa, militia, ceteraque jura, quibus Respublica frue-*  
*tur,*

*tur, & quæ Reges Christiani olim Eccle-* Sæcul. XII.  
*sia donarunt, ego, inquam, tam integra* A.C. 1119.  
*fide Regi meo servio, ac Episcopi tibi in*  
*Regno tuo, obligati illa Investitura, quæ*  
*tantam in Regno discordiam peperit, &*  
*excommunicationis contra te pronuncia-*  
*tæ causa extitit. Imperator manum*  
*utramque ad sidera tendens, flat ergo,*  
*inquit, nihil ultra peto. Iterumque Epi-*  
*scopus: Igitur si Investituræ jus dimit-*  
*tere, & agros Ecclesiis, illisque, qui pro*  
*Ecclesia communi laborarunt restituere*  
*promittis, nos, Deo propitio, ferale scbis-*  
*ma componere satagemus. Tunc Henri-*  
*cus, postquam cum iis, quibus adsueve-*  
*rat, consultasset, cuncta se facturum pro-*  
*misit, si a Papa fidem & justitiam expe-*  
*ctare posset, si pax non fucata rediret, si*  
*ipsi suisque Proceribus Ditiones in hoc*  
*bello amissæ restituerentur. Episcopo*  
*deinde interrogante, quis vadem se præ-*  
*beret, ne inutilem conciliandæ paci ope-*  
*ram impenderent, Imperator in mani-*  
*bus Episcopi & Abbatis juramentum*  
*præstitit, se, quam vere Christianus esset,*  
*omnia, quæ communi consensu statuta*  
*fuiſſent, inviolabili fide servaturum. Eo-*  
*dem Sacramento Episcopus Lufunensis,*  
*Comes Palatinus, ceterique, qui Impera-*  
*torem comitabantur, tam Clerici quam*  
*Laici, se se obstrinxerunt.*

Sæcul. XII.

A.C. 1119

Gall. ep. 10.

His promissis muniti, Episcopus & Abbas, ad Papam remeant, eumque Parisiis habent, ubi sexta die Octobris verfabatur; id enim cognoscimus ex Bulla, Geofrido Abbati Vindocinensi concessa, qua Privilegia ejusdem monasterii confirmat. Ceterum Papa, quæ Episcopus & Abbas egerant, approbans, *utinam!* inquit, *utinam!* *peracta jam res esset, & sine omni fraude.* Tum Episcopis & Cardinalibus ad consilium adhibitis, eosdem ac prius Legatos ad Imperatorem remisit, ipsosque Episcopum Ostiensem & Gregorium Cardinalem sequi iussit, qui in mandatis habebant; illa pacis futuræ capita accurate pensarent, diligenter conscriberent, tumque pars utraque manum apponeret, & si ea Imperator exsequi vellet, ipsi diem ante Concilii Remensis finem præstituerent. Illi Imperatori occurrerunt, in quodam loco, inter Viridunum & Metas posito, retuleruntque Pontificem memoratis conditionibus ipsum ad gremium Ecclesiæ lubentissimo animo esse recepturum; lætissimus hoc nuncio Imperator iterum in manibus quatuor Legatorum illa juramento confirmat, quæ Argentorati promiserat, nempe se, Feria sexta, die vigesima quarta Octobris, pacta conscripta, præsentem Papam Mosonii executioni daturum esse. Pollicebatur se Jus Investituræ abdicaturum, pacem

con-

constantem daturum, & Bona sua omni-  
 bus illis, qui hujus rei causa arma mo-  
 vissent, redditurum esse. Papa contra  
 promittebat pacem Ecclesiasticam & Bo-  
 norum omnium restitutionem Imperato-  
 ri ac omnibus illis, qui Ecclesiæ bellum  
 intulissent. Legati hos Articulos defe-  
 rentes celeriter ad Papam redeunt, qui  
 tum Remis versabatur, Concilium cele-  
 braturus.

In eo Concilio, ut Papæ mandatis ob-  
 sequerentur, Episcopi ex omnibus Occi-  
 dentis provinciis, ex Italia, Germania,  
 Gallia, Hispania, Britannia, Anglia, aliis-  
 que Oceani Insulis, adfuere. Albertus  
 quoque Archiepiscopus Moguntinus, cum  
 Episcopis septem, & quingentorum equi-  
 tum præsidio, advenit; cujus Præsulis  
 præsentia lætus Papa eidem Hugonem  
 Comitem Trecensem cum aliis copiis  
 occurrere iussit. (\*) Rex Angliæ Episco-  
 pis Regni sui licentiam quidem dedit ad  
 Concilium Remense commeandi, sed  
 districte præcepit, ne ibi alter, contra  
 alterum ullam querelam moveret. *Ego  
 enim, aiebat, in Regno meo unicuique jus  
 suum tribuam. Singulis annis Ecclesiæ*  
 D d 5 *census*

(\*) Ex his conjicimus, Archiepiscopos Mo-  
 gutinos jam illa ætate præter Dignitatem Ar-  
 chiepiscopalem etiam Principatum terrenum fuis-  
 se consecutos.

Sæcul. XII.  
 A.C. 1119.

Orderic. vit.  
 lib. 12. p. 857.  
 to. 10. Conc.  
 p. 865.

Sæcul. XII. *census a Majoribus meis concessos sol-*  
A.C. 1119. *vo; hinc mea quoque privilegia salva esse*  
*volo. Ite, Papam meo nomine salutate,*  
*mandata ipsius ea qua par est reverentia*

*excipite; sed nolo, res novas & superfluas*  
*Edmer. 5. in regnum meum invehatis. His conditio-*  
*novor. p. 94. nibus Rex Episcopos & Abbates Norman-*  
*niæ, illosque ex Anglia, qui tunc cum*  
*ipso in Normannia morabantur, ad Con-*  
*cilium dimisit.*

## §. IV.

*Turstainus Archiepiscopus Eboracensis*  
*consecratur.*

**T**urstainus, electus Archiepiscopus Ebo-  
 racensis, a Rege Concilium adeundi  
 licentiam petiit, quam non ante obtinuit,  
 quam per fidem Regi, Domino suo, de-  
 bitam promississet, se a Papa nihil, quo  
 privilegia Ecclesiæ Cantuariensis læderentur,  
 postulaturum esse, & non passurum,  
 ut ab ipso Papa quacunque de causa con-  
 secraretur. Ex quo scilicet Paschalis II.  
 Sententiam interlocutoriam, Turstaino  
 faventem, pronunciaverat, intervenien-  
 te ejusdem Pontificis morte, causa quie-  
 verat. Ubi vero vulgatum, Gelasium II.  
 in Burgundiam advenisse, Præsules omnes  
 itineri necessaria parabant, Concilio Re-  
 mis in medio Quadragesimæ anno se-  
 quente millesimo centesimo decimo no-  
 no, ipso Papa Præsidente, celebrando inter-  
 futuri.

*Sup. lib.*  
*LXVI. f.*  
*37.*